

Bosna i Hercegovina
Federacija Bosne i Hercegovine
Srednjobosanski Kanton/Kanton Središnja Bosna

KANTONALNI SUD U NOVOM TRAVNIKU

Broj: 06 0 K 013676 21 K 2

Novi Travnik: 15.12.2021. godine

U IME FEDERACIJE BOSNE I HERCEGOVINE !

Kantonalni sud u Novom Travniku u vijeću sastavljenom od sudaca: Lazarela Porić, predsjednica vijeća, Zuhdija Ćosić i Suada Kahrić, članovi vijeća, uz sudjelovanje zapisničara Erme Jusić u kaznenom predmetu protiv optuženog Hajriza Doglod zbog kaznenog djela ratni zločin protiv civilnog stanovništva iz članka 142. stav 1. preuzetog Kaznenog zakona SFRJ, optuženog po optužnici Kantonalnog tužiteljstva Travnik broj T06 0 KTRZ 0023885 18 od 17.01.2020. godine, nakon održanog glavnog i javnog pretresa dana 09.12.2021. godine, na kojem su bili nazočni zamjenica glavnog kantonalnog tužitelja Kantonalnog tužiteljstva iz Travnika Sanja Hodžić, optuženi Hajriz Doglod i njegov branitelj Ramo Ajkić, advokat iz Zenice, po obavljenom vijećanju i glasanju, u prisustvu kantonalnog tužitelja Kantonalnog tužiteljstva iz Travnika Sulejmana Selimović, branitelja Rame Ajkić, advokata iz Zenice i optuženog Hajriza Doglod, donio je dana 15.12.2021. godine, a predsjednica vijeća i javno objavila slijedeću:

PRESUDU

Optuženi

DOGLOD HAJRIZ, zvan [REDAKTIRANO] sin Ibrahima i majke Naze, djevojački Skomorac, rođen 03.08.1968. godine u Zenici, sa prebivalištem u [REDAKTIRANO], po nacionalnosti Bošnjak, državljanin BiH, JMBG [REDAKTIRANO], pismen, završena SSS, nezaposlen, oženjen, otac četvoro djece, srednjeg imovnog stanja, služio vojsku JNA u Kninu 1990/1991. godine, vodi se u VE Zenica, neodlikovan, neosuđivan

KRIV JE

Što je:

U toku rata i oružanog sukoba u Bosni i Hercegovini između pripadnika HVO i AR BiH na području Viteza, kao pripadnik AR BiH, Samostalnog diverzantskog bataljona (SDB), u svojstvu zamjenika komandanta SDB-a, kršeći pravila međunarodnog prava za vrijeme oružanog sukoba, postupao suprotno pravilima člana 3. stav 1. tačka a) Ženevske konvencije o postupanju sa civilnim licima od 12.08.1949. godine, koja zabranjuje povrede koje se nanose životu i tjelesnom integritetu i naročito ubistva, sakaćenja, svireposti i mučenja, tako što je:

Tačno neutvrđenog dana, u vremenskom periodu između 21.06.1993. godine i 01.07.1993. godine, u prijedopodnevnim satima, u mjestu Dubravica, općina Vitez, nakon što je oštećeni civil Trogrlić Tomislav u namjeri da napusti područje Zenice, koje je bilo pod kontrolom AR BiH i pređe na područje pod kontrolom HVO, kako bi došao do svoje sestre Tolić Jadranke u Busovaču, prilikom kretanja prema Vitezu preko Vjetrenica, ranjen od strane nepoznatih vojnika, te je iznesen na lokalni put od strane mještana, da bi tada došao Doglod Hajriz, pa u namjeri da istog liši života, prišao oštećenom i nakon kraćeg ispitivanja Trogrlić Tomislava u istog pucao iz pištolja, prvo u predjelu desnog, a zatim lijevog ramena, mučeći ga na taj način i prouzrokujući mu povrede i bolove od kojih je oštećeni jaukao i zapomagao, govoreći mu da ga ne muči više i da ga ubije, da bi potom Doglod Hajriz uzeo pušku i u Trogrlić Tomislava koji je ležao bespomoćno na zemlji ispalio više hitaca u predjelu glave i gornjeg dijela tijela i na taj način ga usmrtio, a potom se udaljio sa lica mjesta.

Dakle, kršeći pravila međunarodnog humanitarnog prava za vrijeme rata i oružanog sukoba, počinio ubistvo jednog civila

čime je učinio kazneno djelo ratni zločin protiv civilnog stanovništva iz člana 142. stav 1. preuzetog Kaznenog zakona SFRJ.

Pa ga sud temeljem istog članka i uz primjenu članka 33., 38., i 41. Kaznenog zakona SFRJ, te članka 300. Zakona o kaznenom postupku Federacije BiH

OSUĐUJE

Na kaznu zatvora u trajanju od 6 (šest) godina i 6 (šest) mjeseci

Temeljem odredbi članka 202. stav 4. Zakona o kaznenom postupku Federacije BiH optuženi se djelimično oslobađa od obveze naknade troškova kaznenog postupka, koji se odnose na obvezu plaćanja nagrade i nužnih izdataka postavljenog branitelja, dok se istovremeno obvezuje na naknadu troškova kaznenog postupka koji se odnose na pristup svjedoka u visini od 88,00 KM i troškova sudskomedicinskog vještačenja u visini od 590,00 KM, kao i na ime paušala u iznosu od 150,00 KM, sve u roku 15 dana po pravomoćnosti Presude.

Na temelju članka 212. st. 3. Zakona o kaznenom postupku Federacije BiH oštećena Jadranka Tolić se sa imovinsko pravnim zahtjevom upućuje na građansku parnicu.

Zapisničar
Erma Jusić

Predsjednica vijeća
Lazarela Porić